



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCXXXII. ad annum CCCCLI.

Parisiis, 1644

IX. De expulsione Polychronii extra ciuitatem.

urn:nbn:de:hbz:466:1-14584

tes eum. Ibi autem cum anathemate damnauerunt Euphemium usque ad ultimum diem temporis sui. Et subscriperunt omnes in eius damnationem episcopi numero septuaginta sex, & duo diaconi cardinales Romani, & tres presbyteri, & tres episcopi, qui directi fuerat, concluserunt, subscribentes in eius damnationem, & dum damnassent eum, extra ciuitatem iudicabant.

C A P. IX.

Et Polychronium episcopum Hierosolymitanum, quia ordinasset diaconum Aethiopem nomine Victorem, & quia propter decem libras auri ecclesias consecrabat, damnauerunt eum extra ciuitatem, & dederunt ei vel constituerunt praedia tria ecclesiae, ita tamen, ut locus eius intactus seruaretur in gremio vrbis Ierusalem. Et dum cessissent ei usufructuario praedia, subscriperunt episcopi septuaginta sex & diacones duo, & dimiserunt ibidem episcopum quasi vicarium in loco eius nomine Theodolum de Bethlehem vrbe. Et suspenderunt sedem eius, ita ut extra ciuitatem habitaret in praediis supradictis. Et venerunt ad

autem cum anathemate damnauerunt Euphemium usque in ultimum temporis sui. Et subscriperunt omnes in eius damnationem. Episcopi vero septuaginta sex, & duo diacones cardinales Romani, & tres presbyteri, & tres episcopi, qui directi fuerant, concluserunt, subscribentes in eius damnationem. Et dum damnassent eum, extra ciuitatem iudicabant.

C A P. IX.

Et Polychronium episcopum Hierosolymitanum, quare ordinasset diaconum Aethiopem, nomine Victorem, & quia ad decem libras auri ecclesias consecrabat, damnauerunt eum extra ciuitatem, & dederunt ei vel constituerunt praedia tria ecclesiae, ita tamen, ut locus eius intactus seruaretur in gremio vrbis Ierusalem. Et dum cessissent ei usufructuaria praedia, subscriperunt omnes episcopi septuaginta sex, & episcopi tres, & presbyteri tres, & diacones duo, & dimiserunt ibidem episcopum quasi vicarium in loco eius nomine Theodolum de Bethlehem vrbe. Et suspenderunt sedem eius, ita ut extra ciuitatem habitaret in praediis supradictis. Et venerunt ad

ANNO CHRISTI 433. octo. Et iussit Sextus episcopus conuenire episcopos supradictos simul cum Augusto Valentiniano, & alligauerunt vulnera eius. Gaudebat autem Augustus in damnatione Euphemii episcopi, qui extitit accusator Polychronii pontificis sui, & subscriperunt in damnationem horum duorum, omnis Synodus, & Augustus Valentinianus, & Sextus episcopus vrbis Romæ manu propria conclusit. vrbem Romam festinantes supradicti octo. Et iussit Sextus episcopus conuenire episcopos supradictos simul cum Augusto Valentiniano, & alligauerunt vulnera eius. Gaudebat autem Augustus in damnationem Euphemii episcopi qui extitit accusator Polychronii pontificis sui. Et subscriperunt in damnationem horum duorum omnis Synodus & Augustus Valentinianus, & Sextus episcopus vrbis Romæ propria manu conclusit.

C A P. X.

Post menses enim nouem, obsessa est ciuitas Ierusalem fame, non tantum fame, quantum inopia paupertatis. Polychronius autem, qui exepiscopus, vendidit publice prædia ecclesiæ supradictæ pauperibus & clericis, populoque Hierosolymitano erogauit vel sparsit. Veniens autem Priscus diaconus vrbis Ierusalem, accusabat iterum Polychronium, dicens: Quod ei temporale concessum fuerat, vendidit populo cle-roque sparsit. Hoc Sextus episcopus audiens, gau dio corroboratur, & intimauit Augusto Valentiniano rem quam gestam audierat. Respondit diaconus, &

C A P. X.

Post menses enim nouem obsessa est ciuitas Ierusalem fame, non tantum fame, quā inopia paupertatis. Polychronius autem, qui exepiscopo, vendidit publice præmia ecclesiæ supradictæ pauperibus, & clericis, populoque Hierosolymitano erogauit vel sparsit. Veniens autem Priscus diaconus vrbis Ierusalem, accusabat iterum Polychronium, dicens: quod ei temporale cessum fuerat, vendidit populo, cleroque sparsit. Hoc Sextus episcopus audiens corroboratur, & intimauit Augusto Valentiniano rem quam gestam audisset. Respondit Leo diacon, & dixit ad Sextum episcopum: